



Parlamentarna komisija odgovorna za reviziju
Parlamentarno povjerenstvo odgovorno za reviziju

Парламентарна комисија одговорна за ревизију

Broj: 04/1-02-309/25-2
Sarajevo, 4.2.2025. godine

**ČLANOVIMA
PARLAMENTARNE KOMISIJE
ODGOVORNE ZA REVIZIJU**

Dana 31.1.2025. godine održana je 13. sjednica Parlamentarne komisije odgovorne za reviziju Parlamenta Federacije BiH (u daljem tekstu: Komisija). Sjednici Komisije prisustvovalo je 14 članova Komisije, samim tim ispunjeni su svi uslovi za punovažan rad u pogledu kvoruma i odlučivanja. Pored članova Komisije, na 13. sjednici su bili i Mirza Kudić, generalni revizor Ureda za reviziju institucija u Federaciji BiH i Nina Džidić, zamjenica generalnog revizora u Uredu za reviziju institucija u Federaciji BiH.

Predsjednik Komisije je predložio **dnevni red** koji je jednoglasno usvojen, a koji **glasi:**

1. Usvajanje zapisnika s 9., 10., 11. i 12. sjednice Parlamentarne komisije odgovorne za reviziju,
2. Plan revizije za 2024/2025. godinu Ureda za reviziju institucija u Federaciji BiH,
3. Plan i program rada Ureda za reviziju institucija u Federaciji BiH za 2025. godinu,
4. Tekuća pitanja.

Na osnovu člana 44. Poslovnika Predstavničkog doma i člana 41. Poslovnika o radu Doma naroda, a u vezi sa članom 54. Poslovnika Predstavničkog doma Parlamenta i člana 52. Poslovnika o radu Doma naroda Parlamenta Federacije BiH, Komisija podnosi sljedeći:

IZVJEŠTAJ

1. **Usvajanje zapisnika s 9., 10., 11. i 12. sjednice Parlamentarne komisije odgovorne za reviziju,**

Predsjednik Komisije upoznao je članove Komisije sa prvom tačkom dnevnog reda, odnosno sa Zapisnicima s 9., 10., 11. i 12. sjednice Komisije. Nakon otvaranja rasprave o zapisnicima, Predsjednik Komisije je stavio na glasanje Zapisnike pojedinačno. Kako niko od prisutnih članova nije imao primjedbe na Zapisnike sa održanih sjednica, nakon glasanja Komisija je jednoglasno usvojila Zapisnike s 9., 10., 11. i 12. sjednice Parlamentarne komisije odgovorne za reviziju.

2. Plan revizije za 2024/2025. godinu Ureda za reviziju institucija u Federaciji BiH,

Predsjednik Komisije otvorio je raspravu o drugoj tački dnevnog reda, nakon čega je riječ data generalnom revizoru g. Mirzi Kudić da ukratko obrazloži dostavljeni plan revizije za 2024/2025. godinu Ureda za reviziju institucija u Federaciji BiH. Nakon uvodnog obraćanja generalnog revizora isti je predložio da se odmah osvrne i na treću tačku dnevnog reda, obzirom da su usko vezani plan i program rada za 2025. godinu Ureda za reviziju institucija u Federaciji BiH. Predsjednik komisije je stavio na glasnje prijedlog generalnog revizora, a to jeste spajanje druge i treće tačke dnevnog reda. Članovi Komisije jednoglasno su podržali ovaj prijedlog te se u nastavku diskusije nastavilo raspravljati pod jednom tačkom.

Ad-2/3

Plan revizije za 2024/2025. godinu Ureda za reviziju institucija u Federaciji BiH.

Plan i program rada Ureda za reviziju institucija u Federaciji BiH za 2025. godinu.

Nakon detaljnog obrazloženja dostavljenog plana revizije za 2024/2025. godinu Ureda za reviziju institucija u Federaciji BiH od strane generalnog revizora i zamjenice generalnog revizora otvorena je diskusija. Nakon završenih diskusija u kojoj su učestvovali svi članovi Komisije, predsjednik Komisije konstatovao je da Parlamentarna komisija odgovorna za reviziju primila k znaju dostavljenu informaciju u vezi plana revizija za 2024/2025. godinu Ureda za reviziju institucija u Federaciji BiH, a sve u skladu sa članom 12. stav 1) Zakona o reviziji institucija u F BiH ("Sl. novine F BiH" broj 22/06).

Plan i program rada Ureda za reviziju institucija u Federaciji BiH za 2025. godinu je također primljen k znaju i isti je podržan od Parlamentarne komisije odgovorne za reviziju jednoglasno.

**ZAMJENIK PREDSJEDNIKA
PARLAMENTARNE KOMISIJE
ODGOVORNE ZA REVIZIJU**

Damir Džeba, v.r

**PREDSJEDNIK
PARLAMENTARNE KOMISIJE
ODGOVORNE ZA REVIZIJU**

Elyir Karajbić, s.r.